

Spiegels¹⁷ von trisen¹⁸ wib vnd kind Item gret dez pontzen¹⁹ tochter Item Cūnlis dez grawen²⁰ wib vnd kind Item haintzen / Nollen²¹ wib vnd ir tochter vnd dero kind Item wältins Lotters²² wib vnd mera²³ hennis wib vnd daz glätztli²⁴ mit wib vnd kinden Item / hartmans Schlinzers²⁵ Svn vrsell verrin,²⁶ v̄li swartz²⁷ mit wib vnd kinden allain vsgenomen sin Svn Jäckli Item ist im worden v̄li stofer²⁸ / vnd peters schniders²⁹ seligen kind mitenander, haintz Bisis³⁰ svn vnd ôch frik wild³¹ mit wib vnd kinden von dez egenanten peters schniders²⁹ / kinden vsgenomen petern schnider²⁹ ab vrâsch³² vnd dez kind vnd nieman anders Da wider vnd wider diss vorgeantent Lût sint mir vorgeantent Grâff / albrechten² ze rechtem tail worden dez ersten haini Lotter²² vnd sin³ kind Item der frank³³ von Schan¹² mit wib vnd kinden Item v̄li Rich¹³ Item v̄li Brvnnner¹⁴ vnd els sin Swöster vnd gret Rappin³⁴ sin Swöster Item haintz vnd v̄li vnd nes haintzen kind von salvms¹⁶ Item vrsella / Brūnschartin³⁵ sesshaft ze tosters⁹ vnd irū kind Item v̄li Bontz¹⁹ Item dez mosers³⁶ wib vnd kind Item dez kappfers³⁷ wib vnd kind vnd maiger erben / wib vnd kind Item bappakūchlis³⁸ wib vnd kind Item Jāk Swartz²⁷ vnd v̄lis ammans³⁹ wib vnd kind vnd henni helwer⁴⁰ Bärtellis helwers⁴⁰ svn / vnd v̄lis Brvnnners¹⁴ kind Item dez stiers⁴¹ kind von Schan¹² peter schniders²⁹ svn sesshaft vff vrâsch³² vnd sin³ kind vnd Ciya ab Berg⁴² vnd zwai / irū kind vnd ôch der kaiser⁴³ die vorgeantent Lût wib vnd kind vnd der tail so dem vorgeantent minem Swager worden vnd gevallen ist als si vorbenempt sint mit lib mit gūt mit wiben mit mannen mit kinden vnd mit aller der fruht so nach inen kvnt mit stūran mit / diensten mit vällen mit gelâssen vnd slehtklich mit aller gewaltsami rechten vnd zūgehörden den selben tail vnd alle die lût / die darzū gehörent sol ôch nv hinnanhin der vorgeantent min Swager Graff hainrich vnd sin erben vnd nachkomen mit aller zūgehörd Inn hân vnd niessen wie In fūgklich ist als ander sin aigen Lût ân all miner vnd miner erben widerred svmung vnd Jrrung ân all geverd / ze gelicher wis sol ôch ich der vorgeantent Graff albrecht² vnd min erben den vorgeantent minen tail als die vorbenempt sint Inn hân / vnd niessen mit stūran mit diensten mit vällen mit gelâssen mit aller gewaltsami vnd slehtklich mit aller zūgehörd Ich obgenanter / Graff albrecht von werdenberg² herr ze pludentz vnd all min erben vnd nachkomen sont ôch dez vorbenempton mins Swagers Graff / hainrichs von Sangâns⁴ vnd siner erben vnd nachkomen recht vnd gūt wern vnd gewern sin nach recht der vorbenempton Lût vnd gūt sins / tails als vor ist beschaiden vnd diss rechten redlichen tails vnd aller vorgeschribner ding wa vnd wie sū dez Je mer bedurffent an gaist / lichem vnd an weltlichem